



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 32. Ejusdem Myst. punct. 3.

[urn:nbn:de:hbz:466:1-60232](#)

PUNCTUM III. OPERA. MEM. Joseph consurgens
accepit Puerum, & Matrem ejus, & venit in
terram Israel. Matt. 2.

INTEL. Perpendamus labores, & incommoda
itūs, & reditūs ex Ægypto. REFL. Si velimus Re-
gem nostrum sequi, in iisdem quoque laboribus,
vigiliis, & casibus cæteris cum eo persistendum
erit.

VOL. Summo iterum affectu dicamus: *En o!*
Rex supreme &c.

COLLOQ. Conforme Contemplationi Regni
Christi.

RECOLLECTIO. REPETITIO APPLICATIO SENSUUM.

MEDITATIO XXXII.

De reditu ab Ægypto. Matth. 2.

Myst. punct. 3.

CONG. Servire Christo tantò propensiùs: quan-
tò incredibilior ejus erga nos est bonitas: &
cœtera, sicut antè explicatum est.

PRÆL. I. Joseph ingrediens terram Israel, eò
quod regnabat Archelaus filius Herodis in Judæa,
recessit in Nazareth.

PRÆL. II. Quandam figuram itineris ex Ægy-
pto in terram Israël, & in Nazareth concipere.

PRÆL. III. Petere gratiam, virtutes, quæ in isto
negotio, & itinere eluxerunt, imitandi.

PUN.

PUNCTUM. I. PERSONÆ. MEM. Considerare virtutes, quæ in Josepho, & MARIA, cum Christo, qui modò hujus, modò alterius brachiis portabatur, per totum illud iter illuxerunt.

INTEL. Ratiocinemur super omnia emicuisse charitatem, cum omnibus proprietatibus, quas enumerat Apostolus 1. Cor. 4. *Charitas patientia est, benigna est. &c.* REFL. Expendamus nostram charitatem ad easdem proprietates.

VOL. Fateamur nos procul abesse ab illâ tam perfectâ charitate : credamus nobis dictum ab Apostolo 2. Thessal. 3. *Dominus autem dirigat corda vestra in charitate Dei, & patientiam Christi.* vel sic oremus cum Ecclesiâ in officio Divino: *Dominus autem dirigat corda, & corpora nostra in charitate Dei, & patientiam Christi.*

PUNCTUM II. VERBA. MEM. Audire MARIAM, & Josephum in itineribus illis colloquentes inter se.

INTEL. Cogitemus inter alia in hunc ferè sensum illos etiam suisse locutos. *Non enim habemus hic manentem civitatem, sed futuram inquirimus.* Hebr. 13. Et nos debemus memores esse motionis. 1. Pet. 2. *Charissimi obsecro vos, tamquam advenas & peregrinos, abstinere vos à carnalibus desideriis. &c.*

VOL. Humiliemus nos, quod tot carnalia desideria, quæ militant adversus animam. 1. Pet. 2. nobis im mentem veniant, cum simus peregrini, & transeuntes, expugnemus illam rebellionem, ut possimus

possimus Christum sequi: & dicamus Deo: *cantabiles mihi erant justificationes tuae; in loco peregrinationis meæ.* Ps. 118.

PUNCTUM III. OPERA. MEM. Joseph audiens au-
tem, quod Archelaus regnaret in Iudea pro-
Herode Patre suo, timuit illò ire: & admonitus in
somnia, secessit in partes Galilææ; & veniens ha-
bitavit in civitate, quæ vocatur Nazareth.
Matth. 2.

INTEL. Ratiocinemur, quod Joseph præ oculis
habuerit illud Eccli 4. *Noli resistere contrà faciem*
potentis, nec coneris contra ictum fluvii. Sed in
hoc casu configuit ad Deum, juxta illud: *in omni-
bus viis tuis cogita illum, & ipse diriger gressus*
tuos. Prov. 5. Sic enim direxit gressus Joseph usque
in Nazareth.

REFL. Nos quoque dum in similibus casibus
incerti sumus, similiter ad Deum configiamus.

VOL. Excitemus aëtum spei, & fiduciae in De-
um, quod ipse pariter sit directurus gressus no-
stros, si ad ipsum confugerimus, & oraverimus:
cum ignoremus, quid agere debeamus, hoc solum
habemus residui, ut oculos nostros dirigamus ad
te. 2. Paralip. 20.

COLLOQ. Ad Christum Dominum universorum,
postulantes, ut per gratiam ipsius excutiamus om-
nem timorem, & cum magnâ fiduciâ, petamus
donum Consilii in casibus dubiis. RECOLLECTIO.

MEDI-